marche dessus eux: & si on ne se tient bien ferme, ils s'éleuent en si grand nombre, qu'ils renuersent les personnes: on en rapporte des chalouppes ou petits bateaux tous pleins quand le temps permet qu'on les aborde: les François les ont nommez les Isles aux On vient dans ce Golfe pour pescher des baleines, nous y en auons veu quantité, pour pescher auffi des moluës. I'y ay veu grand nombre de loups marins, nos gens [12] en tuerent quelques-vns. Il fe trouue dans cette grande riuiere nommée de S. Laurens, des marfoins blancs & non ailleurs; les Anglois les appellent des baleines blanches, pource qu'elles font fort grandes à comparaison de marsoins, ils montent iusques à Quebec.

Le iour de la Saincte Trinité nous fumes contraints de relascher à Gaspay; c'est vne grande baie d'eau qui entre dans ce païs: c'est icy où nous mimes pied à terre pour la premiere fois depuis nostre depart. Iamais homme apres vn long voyage n'est rentré dans fon païs auec plus de contentement que nous entrions au nostre; c'est ainsi que nous appellions ces miserables contrées. Nous y trouuames deux vaisfeaux, l'vn de Honfleur, l'autre de Biscaye, qui estoient venus pour la pesche des molues. Nous priames ceux de Honfleur de [13] nous dreffer vn autel pour dire la Saincte Messe dans leur cabane. Ce fut à qui y mettroit la main, tant ils estoiet aises: aussi leur disoy-ie en riant, qu'en bastissant leur cabane ils ne pensoiet pas bastir vne Chapelle. ie vins à l'Euangile qui se lit ce iour-là à la Messe, & qui estoit le premier que ie prononçois en ces terres, ie fus bien estonné entendant ces paroles du Fils de Dieu à ses Disciples, Data est mihi omnis potestas in cœlo & in terra, euntes ergo docete omnes gentes baptisantes